

別下齋叢書

一七



璠  
等  
集

吾揚瓊花世傳海內一本信矣今花久枯粹騷人墨士  
各以傳聞爲據或謂卽玉蘂或謂卽聚八仙或謂漢前  
已有茲花或謂隋煬帝以觀花來幸江都以余考之皆  
非也蓋瓊花形色微類八仙瓊花異香芬郁八仙無香  
也若唐人所謂玉蘂則與之大異矣矧長安之唐昌觀  
集賢院潤州之招隱山其時皆有玉蘂惡在其爲一本  
者乎宋至道中王元之守揚州作瓊花詩其敘云不詳  
何木俗謂瓊花若卽爲玉蘂元之何以云不詳何木耶  
白後韓魏公劉原父鮮于子駿相繼賦咏歐陽永叔又  
作亭花上扁曰無雙由是遐陬絕壤無不知吾揚有瓊  
花矣若五代以前花之有無靡可考見乃以大業荒游

歸咎茲花目爲亡國之祥其誣不已甚乎且煬帝東巡  
諸所詭異之跡備載南部烟花記等書當時果有茲花  
其事尤爲殊絕師古輩顧肯畧之而弗錄耶蓋兵火薦  
更郡志散軼閭巷之談遞爲口實遂令絕代之芳永蒙  
不根之誚惜哉惜哉成化中浙人有爲花集者止據黃  
冠舊簡潦畧成編雖知隋事之誣而猶踵延元封號之  
謬中間所載李衛公劉夢得詩俱咏玉蘂花者餘篇悉  
用兔園俚語冒稱唐宋名公之作予少讀而疑之然未  
敢以語人近里人有購得寶祐維揚志者茲花始末具  
在其詩篇斷自王黃州與隋事畧不相涉予乃釋然以  
喜遂手自抄錄復命仲兒守貞遍考羣籍增所未備舊

錄賡篇悉爲芟汰又刪潤考證諸語冠于簡端於是花  
事粲然可睹間以質諸太僕蜀岡盛公公曰此瓊花實  
錄也是錄出花之誣不辯而自明矣嗟夫昔予遊兩都  
四方人士無不問予茲花者予與花均爲揚產不能悉  
其事以對心甚愧之茲新集告成揮塵之餘藉爲談助  
豈非考古之一快哉或曰集中詩賦諸篇得失互異今  
槩爲收錄靡所銓擇何耶曰考證詳矣讀考證而諸篇  
之得失可知矣作者俱古今名人烏得而去取之哉本  
朝訖于宏治近者不錄吾郡人作者甚多盡載之涉於  
冗非纂述之體擬別爲一集云嘉靖乙未季秋日江繁  
都玉齋曹璿序

瓊花集目錄

郡人玉齋曹璿編

卷之一

考證

遺事

卷之二

宋人詩二十九首

元人詩二十一首

本朝人詩十一首

卷之三

詩餘

卷之四

賦舊有馮海粟賦其詞語太俳恐非馮撰  
海粟集久不傳真贋莫辨未敢輒入

卷之五

記

瓊花集卷一

郡人玉齋曹璿編

考證

王元之

宋至道二年知揚州

瓊花詩敘曰揚州后土祠有花樹一

株潔白可愛不知何木俗謂之瓊花瓊花見於名人題

詠始此宋子京宋次道失於詳攷乃謂卽唐之玉藥宋景

文筆記曰維揚后土廟有花曰玉藥王禹偁愛賞之更

稱曰瓊花按許慎說文曰瓊赤玉也王不領其義非白

花名也○宋敏求春明退朝錄曰揚州后土廟有瓊花

一株或曰自唐所植卽李衛公所謂玉藥花也舊不可

移徙今京師亦有之○蔡寬夫詩話曰李衛公玉藥花

詩爲潤州招隱山作也今招隱無復此花詢之土人皆

莫知爲何物或云卽今揚州后土祠瓊花是也自王元

之始易其名晏元獻嘗以李善文選注質之云瓊乃赤

玉與花而尤延之全唐詩話又謂揚州唐昌觀是以蕃

釐爲唐昌也謬亦甚矣

周益公必大曰唐人甚重玉藥唐昌觀有之集賢院有之翰林院亦有之子往因親舊自鎮江招隱來遠致一本條蔓如茶蘼種之軒楹冬凋春茂柘葉紫莖再歲始著花久當成樹花苞甚微經日漸大暮春方開八出鬚如水絲金粟花心復有碧筩狀類膽瓶其中別抽一英出衆鬚上散爲十餘藥猶刻玉然花名玉藥乃在於此羣芳所未有也宋子京劉原父宋次道博洽無比不知何故疑爲瓊花王元之知揚州但言未詳何本俗呼爲瓊花子京何故以誣元之蔡君謨疑作寬夫又引晏同叔之言以爲證甚無謂也劉夢得雪藥瓊絲之句最爲中的

何必拘李善赤玉爲瓊之注耶

劉詩詠玉藥花益公謂詠瓊花誤矣

寶祐維揚志曰唐朝唐昌觀有玉藥花劉禹錫所謂玉

女來看玉樹花異香先引七香車是也唐內院亦有玉

藥花李德裕與沈傳師草詔同賞故德裕詩曰玉藥天

中木金閨昔其窺傳師和曰曾對金鑾直同依玉樹陰

是也招隱山亦有玉藥花李德裕所謂吳人初不識因

予嘗賞翫乃得此名是也由是論之豈一處有哉其非

瓊花明矣東坡瑞香詞有后土祠中玉藥之句者非謂

卽玉藥花謂瓊花如玉藥之白爾

宋學士敏求長安志曰長安安業坊唐昌

觀有玉藥花每發若瓊林瑤樹元和中春物方盛車馬

尋玩相繼一日有女子年可十七八衣綠繡衣垂髻雙

鬟無簪珥之飾容色婉婉迥出於衆從以二女冠三小

僕僕皆舛髻黃衫端麗無比既下馬以白角扇障面直

二別下齋校本

造花所異香芬馥聞於十步之外觀者疑出宮掖莫敢  
逼視佇立良久令小僕取花數枝而出將乘馬過謂黃  
冠曰曩有玉峯之期自此可以行矣時觀者如堵或覺  
烟飛鶴唳景物輝煥舉百餘步有輕風擁塵隨之而  
去須臾塵滅望之已在半天方悟神仙之遊餘香不散  
者經月餘時嚴休復元慎劉禹錫白居易俱有詩嚴休  
復詩終日齋心禱玉宸魂消目斷未逢真不如滿樹瓊  
瑤藥笑對藏花洞裏人羽車潛下玉龜山塵世何由觀  
舜顏唯有無情枝上雪好風吹綵綠雲鬟白居易和羸  
女偷乘鳳去時洞中潛歇弄瓊枝不緣啼鳥春饒舌青  
瑣仙郎可得知元稹和弄玉潛過玉樹時不教青鳥出  
花枝的應未有諸人覺只是嚴郎卜得知劉禹錫和王  
女來看玉藥花異香先引七香車攀枝弄雪時回顧卻  
怪人問日易斜雪藥瓊絲滿院春衣輕步步不生塵君  
平簾下徒相問長伴吹簫別有人楊巨源詩晴空素艷  
照霞新香灑天風不到塵持贈昔聞將白雪藥珠宮上  
玉花春張籍詩千枝花裏玉塵飛阿母宮中見亦稀應  
共諸仙鬪百草獨來偷折一枝歸九色雲中紫鳳車尋  
仙來到洞仙家飛輪迴處無蹤跡唯有班班滿地花武  
元衡詩琪樹年年玉蕊新洞宮長閉綵霞春日暮落英  
鋪地雪獻花無復九天人楊凝詩瑤華瓊蕊種何年蕭  
史秦嬴向紫烟時控綵鸞過舊邸摘花持獻玉皇前王

建詩一樹龍璫玉刻成飄廊點地色輕輕女冠夜覓香  
來處唯見塔前碎月明。李衛公德裕潤州招隱山觀  
玉藥花寄沈傳師詩玉藥天中樹金閨共昔窺落英開  
舞雪密葉乍低帷舊賞烟香遠前歡歲月移今來想顏  
色還似憶瓊枝自注日內署沈大夫所居門前有此樹  
每花落空中回旋久之方集庭際大夫草詔之月邀予  
同玩又云此樹吳人不識因予嘗玩乃得此名沈酬詩  
曾對金鑾直同依玉樹陰雪英飛舞近烟葉動搖深素  
萼年年密衰容日日侵勞君想華髮僅欲不勝簪。白  
居易借集賢院玉藥花有懷王校書詩芳意將闌風又  
吹白雲離葉雪辭枝集賢讐江少虞皇朝類苑曰孫覿  
校無開日落盡瑤花君不知  
在揚州使人訪求瓊花山中甚多但歲苦樵斧野燒故  
木不得大而花不能茂耳孫傷之以詩曰可憐遐僻地  
常化燎原灰紹熙廣陵志曰類苑此說蓋誤以八仙花  
爲瓊花也八仙花雖類瓊花而瓊花之香如蓮花可愛  
雖剪折之餘韻亦不減此八仙之所無也

鄭興裔

淳熙十五年知揚州

曰瓊花大而瓣厚其色淡黃聚八仙

小而瓣薄其色微青不同者一也瓊花葉柔而瑩澤聚

八仙葉粗而有芒不同者二也瓊花藥與花平不結子

而香聚八仙葉低於花結子而不香不同者三也

廣陵遺事曰瓊花有三異凡花皆落瓊花則隨風而銷

一異也以水煎葉服之可已疫癘二異也一歲花葉東

西稀密而境內穡事豐歉如之三異也

清江貝瓊

洪武中人

曰讀書所有白花一株狀類揚州瓊花

而花損一葉俗稱爲八仙云爲賦一絕且悼瓊花之不

復見而獨見此也

詩曰一夜東風吹白雪化爲蝴蝶過

裏花。按貝詩亦以蕃釐爲唐昌誤矣九葉之說宋諺已然寶祐志諸詩或云八蒂或云九萼貝博治名一時

當必有所  
考據也

齊東野語曰后土瓊花天下僅一本仁宗慶歷中嘗分

植禁苑明年輒枯遂復載還祠中敷榮如故韓魏公詩曰嘗聞好

事家欲移京轍地既遠孤潔情終誤栽培意淳熙中壽皇亦嘗移植南內逾

年憔悴無花仍送還之其後宦者陳源命園丁取孫枝

移接聚八仙根上遂活然其香色則大減矣杭之褚家

堂瓊花園是也愚按曾南豐曰揚州后土瓊花天下一

株近年可接遂散漫矣是前宋時已有接本不始於陳

源也蓋劉原甫濯纓亭林轉運楚州官舍洛陽李氏仁

豐園接本瓊花香色俱減猶八仙耳信夫瓊花之爲一

本也林次中轉運淮南所居府有瓊花一株蓋揚花別本也次中以瓊赤玉不當名花改名曰瑤真名

其館曰瑤真館徐仲車時教授楚州作瑤真詩二章有紅塵世上無雙物白雪宮中第一人之句副使趙某又移后土廟瓊花植於濯纓亭。劉原甫自淮南遷東平陽名園記。瓊花因有接本故宜和花石綱不預

元人謂漢延元間后土祠因瓊花錫有封號好事者遂附會之而有煬帝觀花之說不知揚州在宋始有瓊花若唐之玉蘂則在長安潤州二處非江都花也煬帝奚從而觀之真齊東之語也舊集花辯謂漢前已有此花盛元季復枯然載籍別無證據花辯托單安仁作單起刀筆以歸附至尙書不能文也

寶祐維揚志曰瓊花生色柯葉與他品絕異尤有大可異者方金亮拔本而去竟枯悴弗植亡何舊基旁暢根枝益以盛大詳見杜旂瓊花記陳止齋送楊渭夫詩云儻將書寄南來鴈試問瓊花果是非蓋金

人揭本之後世謂瓊花非真正齋因有此方金犯城之句然杜旂所記甚爲詳的未可謂其誣也

前一月柯葉俄悴避腥風如惡惡臭高標凜凜與孤竹

### 二子一節

山房隨筆曰德祐乙亥北師至花遂不榮趙棠國炎以

絕句弔之曰名擅無雙氣色雄忍將一死報東風他年

我若修花史合傳瓊姬烈女中洪武郡志曰至元十三年花朽三十三年道士

金丙瑞以聚八仙補植故地而瓊花遂絕凡元人稱瓊花者皆八仙也

呂純陽沁園春詞云琳館清標瓊臺麗質何年天上飛

來揚州暫倚后土爲深栽獨立乾坤一樹春風占萬朶

齊開天然巧藥珠圓簇玉瓣輕裁見一花九朶類玲瓏

玉笋錯落瓊盃得滿盛香露洗蕩塵埃是真元孕育有

仙風道骨豈是凡胎問真宰難留下土攜爾上蓬萊按沁園春創製於宋王晉卿洞賓唐人安得預爲此調其爲後人假託無疑也

舊傳玉勾洞天其事甚怪蓋黃冠設之以誑愚俗不足信也茲黜之不著其事

### 遺事

慶厯中歐陽永叔知揚州作亭花上扁曰無雙

永叔寄韓魏公

書曰平山堂大明井瓊花亭三者拾公之遺以維盛美

崔菊坡在揚州嘗繪瓊花於屏與幕僚劉後村等飲酒賦詩其間吳桂發詩云瓊花屏乃愛棠碑蓋指此也宋姚伯聲有三十客圖牡丹爲貴客梅爲清客梨花爲